



O Xurado Provincial de Clasificación de Montes Veciñais en Man Común de Ourense, en sesión que tivo lugar con data 8 de novembro de 2006, adoptou a seguinte,

RESOLUCIÓN:

Visto o expediente de clasificación como veciñal e man común do monte denominado Terreo, Tapada e Coios, tramitado a solicitude dos veciños de Pazos, resultan os seguintes:

FEITOS:

Primeiro.- Con data 7 de xullo de 2005 tivo entrada no rexistro da delegación provincial da consellería de Medio Ambiente escrito dirixido ao Xurado Provincial de Clasificación de Montes Veciñais en Man Común de varios veciños do lugar de Pazos, concello de Sarreaus, no que solicitan a clasificación como veciñal e man común do devandito monte a favor dos veciños do indicado lugar.

Segundo.- Con data 11 de maio de 2006, o xurado provincial acorda iniciar o expediente de clasificación como veciñal e man común do referido monte, designando instructor e procedendo a realizar as comunicacións e publicacións á que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- No prazo concedido para a práctica de alegacións non consta que se presentara ningunha.

Cuarto.- O monte obxecto de clasificación, de acordo coa documentación óbrante no expediente, descríbese así:

Concello: Sarreaus (Ourense).

Denominación do monte: Terreo, Tapada e Coios.

Comunidade veciñal solicitante: veciños de Pazos, da parroquia de Santa María de Codosedo, concello de Sarreaus.

Superficie: 21, 2950 Has, en total.

O devandito monte está composto por tres fincas resultantes da zona de concentración parcelaria de Bresmaus-Codosedo (Sarreaus) que se describen así:

Finca nº 444, do plano xeral, ó sitio de A Terreo.

Superficie: 8, 4890 Has.

Lindeiros:

Norte e Sur: camiño.

Leste: finca nº 438, de Ismael Sotelo Fernández; finca nº 439, de Claudina Lozano López e fincas nº 440, 441 e 829-3, de outros propietarios

Oeste: finca nº 445, de Benito Rodríguez Vázquez; finca nº 446 de Manuel Rodríguez Rodríguez e fincas nº 447 e 448 de outros propietarios.

Finca nº 212, do plano xeral, ó sitio de Os Coios.

Superficie: 6, 7510 Has.

Lindeiros:

Norte: camiño.

Sur: canal.

Leste: finca nº 214, de Masa Común.

Oeste: camiño

Finca nº 213, do plano xeral, ó sitio de Tapada.

Superficie: 6, 0550 Has.

Lindeiros:

Norte: canal.

Sur: camiño.

Leste: finca nº 204, de Rosa Arcos Rodríguez e finca nº 205, de Casilda Campos Sotelo

Oeste: finca nº 215, de Oliva López Cid.

FUNDAMENTOS DE DEREITO:

Primeiro.-O Xurado Provincial de Clasificación de Montes Veciñais en Man Común é órgano competente para coñecer os expedientes de clasificación dos montes que teñan tal carácter, de acordo co establecido no artigo 9 de Lei 13/1989, do 10 de outubro, de montes veciñais en man común.

Segundo.- De conformidade co disposto no artigo 1 da devandita Lei “son montes veciñais en man común ... os que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cuotas polos membros daquelas na súa condición de veciños”.

Terceiro.- É reiterada doutrina da Sala contencioso-administrativa do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e, outra, a atribución da titularidade dese aproveitamento ós veciños integrantes de un grupo social determinado, independentemente da súa cualificación ou non como entidade administrativa; correspondendo constatar o aproveitamento e atribuír a titularidade a favor do grupo social que o veña disfrutando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes e as actuacións realizadas polo servizo de Montes e Industrias Forestais, sen que durante a tramitación do procedemento se tivese producido reclamación ningunha de titularidade distinta.

En consecuencia co que antecede, vista a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 562/2005, do 1 de decembro, polo que se establece a estrutura



orgánica da consellería do medio Rural, e demais normativa legal e regulamentaria, o xurado provincial por unanimidade dos seus membros,

RESOLVE:


Primeiro.- Clasificar como monte veciñal en man común a favor dos veciños do lugar de Pazos, parroquia de Codosedo, concello de Sarreaus o monte Terreo, Tapada e Coios, coa descrición reflectida no feito cuarto.

Segundo.- Que, en cumprimento do disposto no art. 28 do regulamento para a execución da Lei 13/1989 (citado), a presente resolución se notifique ós interesados no expediente e se publique no diario oficial de Galicia facendo constar que pode ser obxecto de recurso potestativo de reposición perante o Xurado Provincial de clasificación de Montes Veciñais en Man Común de Ourense no prazo dun mes, ou ben interpoñer directamente recurso contencioso-administrativo perante o Xulgado do Contencioso Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da Lei 13/1989 (citada), nos artigos 116 e 117 da lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativa



Este plano parcial débese desglosar do título para ser unido ás escrituras en que consten as sucesivas transmisións da finca.

Leaneau (3513-1)



TERREO

ZONA DE CORTEO



CONSELLERÍA DE AGRICULTURA,
GANDERÍA E MONTES

Dirección Xeral de Estructuras
e Desenvolvemento Rural

Zona: CODOSEDO-BRESMAUS

Concello: Sarreaus

Provincia: Ourense

Polígono 2

ESCALA APROXI. 1: 6.000



CONSELLERÍA DE AGRICULTURA,
GANADERÍA E MONTES
Dirección Xeral de Estructuras
e Desenvolvemento Rural


Zona: CODOSEDO-BRESMAUS

Concello: Sarreaus

Provincia: Ourense

Polígono 1

ESCALA APROX. 1: 6.000



NOTA:

Este plano parcial débese desglosar do título
para ser unido ás escrituras en que cons-
ten as sucesivas transmisións da finca.

Sarreaus (3513-2)

P22

P23



CONSELLERÍA DE AGRICULTURA,
GANADERÍA E MONTES

Dirección Xeral de Estructuras
e Desenvolvemento Rural


Zona: CODOSEDO-BRESMAUS

Concello: Sarreaus

Provincia: Ourense

Polígono 1

ESCALA APROX. 1: 6.000



Tapada



NOTA:
Este plano parcial débese desglosar do título
para ser unido ás escrituras en que cons-
ten as sucesivas transmisións da finca.

Sarreaus (3513-8)